

Es seyn aber den Hasen mit gewalt zu heßen vnd zu fahen zweyerley weiß vnd wege/ Etliche heßen vnd fahen ihn ohn einiges geschrey/ folgen nur allein den Jaghunden allenthalben/ wohin sie lauffen/nach/ ohn alles ander auffsehen/ wie sie des Hasen tück vorkommen wöllen/ Etliche aber machen es auff ein andere Manier/ Deñ nach dem sie des Hasen ersten absprung wargenommen/ vnd der Landsart vnd des orts so der Hase zulauffen pflegt/wol erfahren seyn/ so trachten sie dahin/ damit sie dem Hasen vorkommen/vnd ihn ins Gesicht bringen/schreyen alsdenn/ruffen vnd jagen im Horn/damit sie den Hasen erschrecken/ vnd ihm seine list nemen/ Vnd so denn die Hund auff diese weiß abgericht seyn/ haben sie nachmals allezeit diese art vnd tugent an jnen/ daß sie von stunds an/wenn sie nur ruffen hören/alles anders stehen vnd fahren lassen/ vnd allein dem Jäger vnd seiner stimme nachgehen/ Welcher darumb mit diesem Weydwerck vnd Hasenjagt wil umbgehen/ derselbige sol jm diese Jaghund vor allen ndern lassen lieb seyn/ welche im verfallen ihre fürgriff weit nemen/wiewol recht zu jagen nichts bessers ist/denn die stracke/ Jedoch dem Hasen seine list abzulauffen/ist nichts bessers denn weite fürgriff/darein alle list der Hasen einzuschließen.

Das ein vnd siebenzigste Capitel.

Wie man den Hunden vom Hasen ihr recht zubereiten solle.



Nach dem der Hase gefangen/ sol der Jägerknecht in nemen/vnd etwa an einen hübschen lustigen ort tragen/vnd auff das grüne Gras auff die Erden niederlegen/ vnd als denn auch der Jäger von seinem Roß absitzen/ins Horn jagen/den Hunden zusammen ruffen/ vnd jnen hiemit des Hasen niederlag ankündigen/ Wenn solches geschehen/ vnd die Jaghund allesamt beyhauff seyn/ so auch das Recht für die Hund fürhanden/so solle der Jägerknecht dasselbig für jnen mit einer Ruyten oder kleinem Stecklin in der Hand wol verwahren vnd verhüten/ Der Jäger sol vnter des ohn vnterlaß mit hellem schall im Horn jagen/ die Hund mit der Hand streichen/ sie loben/vnd auff den geheßen vnd erlegten Hasen deuten/ als ob sie jm so löblich nachgehet/ vnd gefangen hetten/darnach sol er in in jrem beyseyn streiffen vnd aufweiden/ Wenn denn diß beschehen/sol der Jäger Brot/Raß/vnd andere gute schleckbislin mehr nemen/ dieselbige in den außgeweydten Hasen stossen/ solches mit dem Hasenschweiß neßen vnd rot machen/vnd jnen also darvon das Recht zubereiten vnd fürwerffen. Der Jägerknecht sol den Hasen an vier oder fünff orten mit seinen Bindstricken anbinden/auff daß seine Hund sich damit zuziehen vnd reißen haben mögen/ vnd nicht etwa nur einer allein denselbigen darvon trage/ sol in nach solchem widerumb verborgen zu sich nemen/auff hundert schritt an einen andern ort tragen/ Vnter des sol der Jäger den Hunden das Recht von Brot/Raß/vnd ander guten naschbislin zubereitet/vnd mit dem Hasenschweiß geneset vnd gefärbet/auff einen grünen saubern Wasen außschütten/ Wenn solches also geschicht/ sol der Jäger im Horn jagen/die Hund jr Recht fressen lassen/ sie freundlich mit der Hand streichen/vnd mit frölichem geschrey zuschreyen/ erfreuwen vnd erlöstigen/ Vnd wenn das Recht nun schier eingenommen/sol der Jägerknecht so auff hundert schritt lang vom Jäger haltet/ im Horn jagen/vnd seine Hund zu sich ruffen/ Darauff auch der Jäger sie so bald bedräuwen/ vnd annahen sol/daß sie solchem geschrey vnd ruffen nachfolgen müssen. Als denn sol der Jägerknecht jnen den Hasen so hoch an sein Bindstrick gebunden/zeigen/in die höhe halten/als möglich/damit man in nur wol sehen möge/ Wenn er darnach sihet/daß alle seine Hund rings umb ihn her lauffen/ sol er sein Hasen mitten vnter sie werffen/jnen auch dar auff/ehe sie widerumb angekupplet werden/zu trincken/vnd Brot zu fressen geben/ damit jnen solch Recht im Magen nicht wehe thue/ vnd etwa widerumb geben/dieweil das Hasenwildpret ihn ohn das vngesundi vnd widerstendig ist.

Das zwey vnd siebenzigste Capitel.

Wie man vom Hasen auff gut Weydmännisch reden sol.

Der Hase ist geschwind/schreyet/wirt geheßt/erwürgt/zerrissen/sein Balg abgestreiff/entweidet/hat sprümg/läuff/läger/fahrt/rammelt/setzt/raumpt/wendet/ Wenn er aber laufft vnd fährt/ vnd was drunter für ein vnterscheid/ das weiß der Jäger/ den frag drum/wil er/so sagt er dirs.

Das